

Қазақстан Республикасының Мәдениет және спорт
министрлігі

Қазақстан Республикасы
Мәдениет және спорт министрінің
2019 жылғы 23 қаңтардағы № 12
бұйрығы. Қазақстан
Республикасының Әділет
министрлігінде 2019 жылғы 25
қаңтарда № 18242 болып тіркелді

Министерство культуры и спорта Республики
Казахстан

**«Туристік қызмет көрсетуге үлгілік шартты бекіту туралы»
Қазақстан Республикасы Инвестициялар және даму министрінің
2015 жылғы 30 қаңтардағы № 81 бұйрығына өзгерістер мен толықтырулар
енгізу туралы**

«Қазақстан Республикасындағы туристік қызмет туралы» 2001 жылғы 13
маусымдағы Қазақстан Республикасы Заңының 11-бабы 20-1) тармақшасына
сәйкес **БҰЙЫРАМЫН:**

1. «Туристік қызмет көрсетуге үлгілік шартты бекіту туралы» Қазақстан
Республикасы Инвестициялар және даму министрінің 2015 жылғы 30 қаңтардағы
№ 81 бұйрығына (Нормативтік құқықтық актілерді мемлекеттік тіркеу тізілімінде
№ 10604 болып тіркелді, 2015 жылғы 14 сәуірде «Әділет» ақпараттық-құқықтық
жүйесінде жарияланды) мынадай өзгерістер мен толықтырулар енгізілсін:

көрсетілген бұйрықпен бекітілген Туристік қызмет көрсетудің үлгі
шартында:

2- тармақ алып тасталсын;

16-тармақ мынадай мазмұндағы 2-1) тармақшамен толықтырылсын:

«2-1) туристі міндетті сақтандыру шартын жасасу үшін сақтандыру ұйымын
таңдауға және сақтандыру сертификатын алуға;»;

19-тармақ мынадай мазмұндағы 2-1) тармақшамен толықтырылсын:

«2-1) шетелге шығатын турист туристі міндетті сақтандыру шартын
жасасуға ниет білдірген сақтандыру ұйымының атауын сұратуға;»;



«ЗҚАИ» ШЖҚ РМК лауазымды тұлғаның ЭЦҚ мәліметі бар QR-код



ҚР НҚА ЭББ-гі нақты
құжатқа сілтеу QR-коды

22-тармақ мынадай редакцияда жазылсын:

«22. Туристік қызметтің сапасы және (немесе) көлемі басқа елге келген жері бойынша не жүру бағыты бойынша Шарт талаптарына сәйкес келмеген жағдайда, өткізілетін туристік өнімді қалыптастырған туристік оператор Шарт талаптарының тиісінше орындалмағаны немесе тиісінше орындамағаны үшін (оның ішінде осы қызметтерді кімнің көрсетуі тиіс болғанына немесе көрсетілді ме, жоқ па қарамастан, туристік өнімге кіретін туристік қызметтерді көрсетпегені немесе тиісінше көрсетпегені үшін) үшін жауапты болады.»

32-тармақ мынадай мазмұндағы 6) тармақшамен толықтырылсын:

«6) сақтандыру сертификат.».

2. Қазақстан Республикасы Мәдениет және спорт министрлігінің Туризм индустриясы комитеті Қазақстан Республикасының заңнамасында белгіленген тәртіппен:

1) осы бұйрықты Қазақстан Республикасы Әділет министрлігінде мемлекеттік тіркеуді;

2) осы бұйрық мемлекеттік тіркелген күннен бастап күнтізбелік он күн ішінде оны Қазақстан Республикасы нормативтік құқықтық актілерінің эталондық бақылау банкіне ресми жариялау және енгізу үшін «Республикалық құқықтық ақпарат орталығы» шаруашылық жүргізу құқығындағы республикалық мемлекеттік кәсіпорнына жіберілуін;

3) осы бұйрықты қолданысқа енгізілгеннен кейін екі жұмыс күні ішінде Қазақстан Республикасы Мәдениет және спорт министрлігінің ресми интернет-ресурсында орналастыруды;

4) осы бұйрықта көзделген іс-шаралар орындалғаннан кейін екі жұмыс күні ішінде Қазақстан Республикасы Мәдениет және спорт министрлігінің Заң қызметі департаментіне іс-шаралардың орындалуы туралы мәліметтерді ұсынуды қамтамасыз етсін.

3. Осы бұйрықтың орындалуын бақылау жетекшілік ететін Қазақстан Республикасының Мәдениет және спорт вице-министріне жүктелсін.

4. Осы бұйрық оны алғашқы ресми жарияланған күннен кейін күнтізбелік он күн өткен соң қолданысқа енгізіледі.

Қазақстан Республикасы Мәдениет және спорт министрі

А. Мұхамедиұлы

«КЕЛІСІЛДІ»

Қазақстан Республикасы
Сыртқы істер министрлігі

«КЕЛІСІЛДІ»

Қазақстан Республикасы
Ұлттық экономика министрлігі

«КЕЛІСІЛДІ»

Қазақстан Республикасы
Ішкі істер министрлігі